



REPUBLIKA E SHQIPËRISË
UNIVERSITETI "EQREM ÇABEJ" GJIROKASTËR

Nr. 462/1 Prot

Datë. 21.03.2024

RREGULLORE

**"PËR ORGANIZIMIN E ZGJEDHJEVE PËR AUTORITETET DHE
ORGANET DREJTUESE NË UNIVERSITETIN "EQREM ÇABEJ" GJIROKASTËR"**

**KREU I
DISPOZITA TE PËRGJITHSHME**

**Neni 1
Objekti i rregullores**

Kjo rregullore përcakton rregulla për përgatitjen, organizimin, zhvillimin, administrimin, mbikëqyrjen dhe shpalljen e rezultateve të zgjedhjeve për autoritetet dhe organet drejtuese në Universitetin "Eqrem Çabej", duke përfshirë:

- a. Kushtet dhe afatet për regjistrimin e kandidatëve, të drejtat dhe detyrimet e tyre, dokumentacionin zgjedhor, listat e zgjedhësve, fushatat zgjedhore;
- b. Rregullat për organizimin dhe funksionimin e administratës zgjedhore;
- c. Kriteret për hartimin e listës së zgjedhësve;
- d. Procedurat për votimin, vlerësimin dhe numërimin e votave, shpalljen e rezultateve;
- e. Procedurat për shqyrtimin e ankimeve;
- f. Administrimin dhe ruajtjen e dokumentacionit;
- g. Kushtet dhe afatet për regjistrimin e vëzhguesve, të drejtat dhe detyrimet e tyre.

**Neni 2
Baza ligjore**

Kjo rregullore mbështetet në Kushtetutën e Republikës së Shqipërisë, neni 57, pika 7, ligjin nr. 8485, datë 12.5.1999, "Kodi i procedurave administrative të Republikës së Shqipërisë" i ndryshuar, nenin 38, pika 1, nenin 131, pika 2 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", ligjin nr. 86/2012, datë 18.09.2012, ligjin nr. 44/2014, datë 24.04.2014, ligjin nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", ligji nr. 45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë" si dhe Statutin e Universitetit "Eqrem Çabej".



Neni 3

Subjekti i rregullores

1. Subjekt i kësaj rregulloreje është Universiteti “Eqrem Çabej”, në rast zhvillimi të proceseve zgjedhore.
2. Çdo anëtar i personelit akademik, me kohë të plotë, i njësive kryesore në Universitetin “Eqrem Çabej”, ka të drejtën e tij të zgjedhjes dhe të të zgjedhurit, në përputhje me dispozitat e parashikuara në këtë rregullore dhe në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”.
3. Anëtarët e personelit akademik, që sipas nenit 65, të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” kanë mbushur moshën për pension, nuk kanë të drejtëtë zgjidhen, si autoritete drejtuese apo në organet drejtuese dhe nuk bëjnë pjesë në trupën zgjedhore.
4. Anëtarët e personelit akademik që, sipas nenit 63, të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, shëputen për një periudhë deri në 1 (një) vit për vitin sabatik, por edhe ata që largohen për kualifikime vetjake me karakter mësimor kërkimor, siç parashikohet në Statutin e UGJ-së, nuk kanë të drejtë të zgjidhen si autoritete drejtuese ose në Senatin Akademik, por gëzojnë të drejtën të zgjedhin autoritetet drejtuese ose Senatin Akademik, nëse periudhat e parashikuara më sipër përkojnë me muajin zgjedhor.
5. Çdo student i ciklit të parë, ciklit të dytë dhe programeve profesionale të larta, me kohë të plotë, në Universitetin “Eqrem Çabej”, ka të drejtën e zgjedhjes së autoriteteve dhe organeve drejtuese. Çdo student ka të drejtën e zgjedhjes dhe të të zgjedhurit për përfaqësuesit studentë në organet drejtuese, në përputhje me dispozitat e parashikuara në këtë rregullore dhe në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”.

Neni 4

Parimet e përgjithshme

1. Zgjedhjet për autoritetet dhe organet drejtuese të Universitetit “Eqrem Çabej” janë periodike, çdo 4 vjet.
2. Zgjedhjet bëhen me votim të lirë, të fshehtë, të barabartë dhe të drejtpërdrejtë, sipas rregullave të parashikuara në këtë rregullore. Zgjedhësit e ushtrojnë lirisht të drejtën e votës.
3. Çdo zgjedhës ka të drejtën e një vote të vetme për zgjedhjen e çdonjërit prej autoriteteve ose anëtarëve të organeve drejtuese.
4. Si dokument identifikimi për të votuar pranohet karta e identitetit ose pasaporta.
5. Të drejtën për t'u zgjedhur në postin e një autoriteti drejtues, rektor dhe dekan, e kanë edhe persona që nuk bëjnë pjesë në stafin akademik me kohë të plotë në njësiti kryesore dhe që plotësojnë kushtet e parashikuara në përputhje me dispozitat e parashikuara në



- këtë rregullore dhe në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", për të konkurruar për këtë post.
6. Të drejtën për t'u zgjedhur, si autoritet drejtues akademik i Universitetit "Eqrem Çabej", e ka çdo anëtar i personelit akademik me kohë të plotë që nuk ka fituar, në të njëjtin funksion dhe në këtë institucion, dy mandate të njëpasnjëshme apo të ndara, të fituara sipas ligjit nr. 9741, datë 21.5.2007 "Për arsimin e lartë në Republikën e Shqipërisë, i ndryshuar. Në kuptim të nenit 131, pika 3, të ligjit 80/2015, mandat i fituar konsiderohet çdo mandat që është fituar nëpërmjet një procesi zgjedhor pavarësisht nga kohëzgjatja e tij.
 7. Çdo kandidat nuk mund të konkurrojë njëkohësisht për më shumë se një post autoriteti drejtues.
 8. Çdo kandidat ka të drejtën të organizojë dhe të zhvillojë aktivitete për paraqitjen e programit të tij, duke mos cënuar procesin mësimor.
 9. Shpallet i zgjedhur në postin e një autoriteti drejtues kandidati që fiton numrin më të madh të votave të vlefshme të zgjedhësve që marrin pjesë në votim, me përjashtim të kandidatëve të vetëm.
 10. Kur për postin e një autoriteti drejtues kandidon një kandidat i vetëm, ky i fundit shpallet fitues me jo më pak se 50 përqind plus 1 (një) votë, të trupës zgjedhore me të drejtë vote për atë autoritet drejtues. Në rast se rezultati i votimit rezulton numër me shifër pesë pas presjes dhjetore, rrumbullakimi të orientohet drejt numrit më të madh. Nëse kandidatët nuk arrijnë të fitojnë një numër të tillë votash, 15 ditë pas ditës së zgjedhjeve zhvillohet një raund i dytë, pas të cilit, nëse kandidati i vetëm nuk fiton 50 përqind plus 1 (një) votë, të trupës zgjedhore me të drejtë vote, shpallen zgjedhje te reja.
 11. Kur asnjëri prej dy a më shumë kandidatëve në garë për postin e një autoriteti drejtues nuk arrin të sigurojë shumicën e votave të vlefshme, 15 (pesëmbëdhjetë) ditë kalendarike pas zgjedhjeve zhvillohet një raund i dytë. Nëse edhe pas raundit të dytë asnjëri nga kandidatët nuk arrin të sigurojë shumicën, zgjedhjet për autoritet drejtues zhvillohen në përputhje me kërkesat e ligjit nr. 80/2015 "Për Arsimin e Lartë dhe Kërkimin Shkencor në institucionet e arsimit të lartë në Republikën e Shqipërisë" dhe me këtë rregullore. Gjatë periudhës kur nuk ka drejtues të zgjedhur, për caktimin e autoritetit drejtues përkatës veprohet sipas rregullit të përcaktuar në nenin 39, pika 9, pika 10 dhe neni 42, pika 9 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë".
 12. Në rast se për postin e një autoriteti drejtues nuk regjistrohet ose nuk fiton asnjë kandidat, zgjedhjet për këtë post zhvillohen, me urdhër të rektorit, jo më përpara se 6 muaj nga data e zgjedhjeve të shpallura. Zgjedhjet e përsëritura zhvillohen në përputhje me kërkesat e ligjit nr. 80/2015 "Për Arsimin e Lartë dhe Kërkimin Shkencor në institucionet e arsimit të lartë në Republikën e Shqipërisë" dhe me këtë rregullore. Gjatë periudhës kur nuk ka drejtues të zgjedhur, për caktimin e autoritetit drejtues përkatës veprohet sipas rregullit të përcaktuar në nenin 39, pika 9, pika 10 dhe neni 42, pika 9 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë".
 13. Zgjedhje të përsëritura zhvillohen jo më vonë se një vit përpara përfundimit të periudhës 4-vjeçare pas zgjedhjeve të fundit.



14. Në rastin kur për anëtarë të Senatit Akademik konkurrojnë më shumë kandidatë sesa numri i mandateve të caktuara për njësinë kryesore përkatëse, fitues shpallen kandidatët që fitojnë numrin më të madh të votave të vlefshme të zgjedhësve që marrin pjesë në votim. Për kandidatët që fitojnë numër të barabartë votash, zgjedhja për anëtar të Senatit Akademik bëhet me short. Shorti organizohet dhe realizohet nga Komisioni Institucional i Zgjedhjeve në prani të palëve të interesuara.
15. Në rastin kur mbeten vende vakante për anëtarë në Senatin Akademik, për arsye se numri i kandidatëve është më i vogël se numri i mandateve, në njësinë kryesore përkatëse zhvillohet një raund i dytë zgjedhjesh, 15 ditë kalendarike pas ditës së zgjedhjeve. Për këtë raund kanë të drejtë të regjistrohen kandidatë të tjerë që i plotësojnë kërkesat e parashikuara në ligjin nr.80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” dhe kërkesat e kësaj rregulloreje.
16. Vëzhguesit e kandidatëve që vijnë nga personeli akademik duhet të jenë pjesë e personelit akademik me kohë të plotë, në UGJ. Vëzhguesit e kandidatëve që vijnë nga studentët duhet të jenë studentë me kohë të plotë, në UGJ.

Neni 5

Periudha zgjedhore dhe thirrja e zgjedhjeve

1. Zgjedhjet për autoritetet drejtuese dhe organet drejtuese në Universitetin “Eqrem Çabej”, zhvillohen në mënyrë periodike, çdo katër vjet.
2. Data e fillimit të procesit zgjedhor dhe data e zgjedhjeve caktohet nga ministri përgjegjës për arsimin.
3. Rektori shpall datën e fillimit të procesit zgjedhor dhe datën e zgjedhjeve të përcaktuara nga ministri për zgjedhjen e autoriteteve dhe organeve drejtuese në Universitetin “Eqrem Çabej”.
4. Zgjedhjet e radhës për autoritetet dhe organet drejtuese në Universitetin “Eqrem Çabej” zhvillohen brenda së njëjtës ditë.
5. Zgjedhjet jashtë radhe për autoritetet drejtuese thirren brenda 60 ditëve pas përfundimit para kohe të mandatit të autoritetit përkatës, nëse pjesa e mbetur e mandatit është jo më pak se një vit.
6. Qendrat e votimit hapen në orën 8:00 dhe mbyllen në orën 16:00. Askush nuk mund të votojë pasi KZF-ja (KQV-ja) merr vendim për mbylljen e votimit. Nëse pas orës 16:00 KZF-ja (KQV-ja) vëren se ka ende votues në radhë, u mbledh atyre mjetet e identifikimit dhe u mundëson votimin.



Kreu II
Institucionet për përgatitjen dhe administrimin e zgjedhjeve

Neni 6
Komisioni Institucional i Zgjedhjeve (KIZ)

1. Zgjedhja e anëtarëve të KIZ-it është detyrë dhe përgjegjësi e Senatit Akademik të Universitetit “Eqrem Çabej”. Jo më vonë se tre ditë kalendarike pas fillimit të procesit zgjedhor, Senati Akademik zgjedh KIZ-in, në përputhje me dispozitat e mëposhtme:
 - a. Senati akademik zgjedh anëtarët e KIZ-it, me votim të fshehtë, me shumicën e thjeshtë të anëtarësisë së tij, nga lista e kandidatëve që vetëregjistrohen në sekretarinë e Senatit. Përfaqësimi dhe numri i anëtarëve të KIZ-it, përcaktohet mbi bazën e numrit të njërive kryesore të institucionit. Në çdo rast ai duhet të jetë numër tek dhe jo më i vogël se 5, njëri prej të cilëve është përfaqësues i studentëve. Nga senati akademik, caktohet dhe sekretari i KIZ-it, i cili është anëtar pa të drejtë vote pranë këtij komisioni. Sekretari përzgjidhet nga lista e të vetëkandiduarve nga personeli i Universitetit “Eqrem Çabej”.
 - b. KIZ-i konstituohet jo më vonë se katër ditë nga dita e fillimit të procesit zgjedhor.
 - c. Anëtari i KIZ-it nuk ka të drejtë të kandidojë për autoritet drejtues dhe/ose për anëtar në organet drejtuese, të çdo niveli.
 - d. Në mbledhjen e parë të tij KIZ-i zgjedh, me shumicën e thjeshtë të votave të anëtarëve të tij, Kryetarin. Rezultati i zgjedhjeve publikohet në të gjitha mjediset e institucionit dhe në faqen zyrtare elektronike të UGJ-së.
 - e. Gjatë periudhës zgjedhore, mbledhjet e KIZ-it thirren nga kryetari ose të paktën nga dy anëtarë. Mbledhja është e vlefshme kur marrin pjesë jo më pak se 2/3 e të gjithë anëtarëve. Mbledhjet e KIZ-it janë të hapura për kandidatët dhe vëzhguesit e tyre.
 - f. KIZ-i i merr vendimet me shumicën e thjeshtë të të gjithë anëtarëve të tij. Vendimet e KIZ-it publikohen në mjedisin e institucionit ku është e vendosur selia e tij, jo më vonë se 12 orë pas vendimmarrjes.
 - g. Anëtarët e KIZ-it shpërblehen për punën që bëjnë. Masa dhe mënyra e shpërblimit të tyre caktohet me vendim të Bordit të Administrimit të UGJ-së.
 - h. Në rastin e largimit të një anëtari nga ky komision, zëvendësimi i tij kryhet si në pikën 1 (një) të këtij neni.
2. KIZ-i ka këto kompetenca:
 - a. Nxjerr udhëzime për organizimin dhe zhvillimin e procesit zgjedhor në të gjitha njësitë e institucionit.
 - b. Drejton dhe kontrollon të gjithë procesin zgjedhor.
 - c. Emëron anëtarët e Komisioneve të Zgjedhjeve të Fakulteteve, të vetëkandiduar në KIZ.
 - d. Akrediton vëzhguesit sipas kërkesave të kandidatëve.
 - e. Vendos për numrin e qendrave të votimit për çdo njësi kryesore.
 - f. Miraton vulën për KIZ-in, KZF-në dhe vulën për kryetarin e KZF-së, si dhe të KQV-së, të cilat prodhohen dhe administrohen sipas kuadrit ligjor në fuqi.
 - g. Regjistron kandidatët për rektor dhe për anëtarë të Senatit Akademik.



- h. Shpall rezultatin e zgjedhjeve për rektor dhe anëtarë të Senatit Akademik.
 - i. Administron, gjykon dhe merr vendim për ankimet që regjistrohen prej kandidatëve.
3. Mandati i anëtarit të KIZ-it ndërpritet në rastet kur:
- a. Kryen veprimtari në favor të një kandidati;
 - b. Vdes;
 - c. Jep dorëheqjen nga detyra;
 - d. Dënohet për vepra penale me vendim gjyqësor të formës së prerë;
 - e. Me veprimet dhe mosveprimet e tij cënon rëndë veprimtarinë e KIZ-itsi edhe etikën zgjedhore e procesin zgjedhor;
 - f. Mungon, pa shkaqe të arsyeshme, në tri mbledhje radhazi. Trajtimi i çështjes së ndërprerjes së mandatit të një anëtarit të KIZ-it në këtë rast, bëhet vetëm me kërkesën e të paktën dy anëtarëve të tij. KIZ-i merr vendim mbi këtë kërkesë, jo më vonë se 1 (një) orë pas depozitimit të saj. Vendimin për ndërprerjen e mandatit e merr KIZ-i kur për të votojnë "Pro" jo më pak se 2/3 e anëtarëve të tij. Vendi i mbetur bosh plotësohet brenda 24 orëve prej Senatit Akademik.
4. Sekretari i KIZ-it përgatit materialet për çdo mbledhje të KIZ-it. Ai merr pjesë në mbledhje, mban procesverbalet e mbledhjeve dhe për çdo rast jep shpjegime për çështjet që i kërkojnë. Procesverbali i mbledhjeve duhet të firmoset nga anëtarët e pranishëm në mbledhje dhe të firmoset e vuloset nga sekretari. Sekretari i KIZ-it është përgjegjës për administrimin e të gjithë dokumentacionit të KIZ-it.
5. Vendimet e KIZ-it firmosen prej të gjithë anëtarëve dhe vulosen me vulën e KIZ-it. Çdo anëtar i KIZ-it krahas nënshkrimit të tij, mund të deklarojë në vendim votën kundër.
6. Kandidatët për rektor kanë të drejtë të kenë përfaqësuesin e tyre pranë KIZ-it, si anëtar "ex-officio", pa të drejtë vote.

Neni 7

Komisionet e Zgjedhjeve në Fakultete

1. Vendimi për ngritjen e Komisioneve të Zgjedhjeve në Fakultete merret nga KIZ-i, jo më vonë se 3 ditë kalendarike nga dita e formimit të tij. KIZ-i zgjedh anëtarët e KZF-së, me votim të fshehtë, me shumicën e thjeshtë të anëtarësisë së tij, nga lista e kandidatëve që vetëkandidohen në sekretarinë e KIZ-it.
2. Përfaqësimi dhe numri i anëtarëve të KZF-së përcaktohet mbi bazën e numrit të njësisë bazë në njësinë kryesore përkatëse. Në çdo rast, ai duhet të jetë numër tek dhe jo më i vogël se 3 anëtarë, njëri prej të cilëve është përfaqësues i studentëve. Nga KIZ-i caktohet dhe sekretari i KZF-së, i cili është anëtar pa të drejtë vote pranë këtij komisioni.
3. Sekretari përzgjidhet nga lista e të vetëkandiduarve nga personeli i njësisë kryesore të KZF-së përkatëse.
4. Anëtarët e KZF-së nuk kanë të drejtë të kandidojë për autoritet drejtues dhe/ose për anëtar në organet drejtuese, të cilitdo niveli.



5. Mbledhja e parë e KZF-së zhvillohet një ditë pas vendimit të KIZ-it për ngritjen e tij. Në këtë mbledhje zgjidhet, me shumicën e thjeshtë të votave të anëtarëve të KZF-së, kryetari. Rezultati i zgjedhjeve publikohet në mjediset ku zhvillon aktivitetin akademik njësia kryesore përkatëse.
6. Mbledhjet e KZF-së, thirren nga kryetari ose të paktën nga dy anëtarë. Mbledhja është e vlefshme kur marrin pjesë jo më pak se 2/3 e të gjithë anëtarëve. Mbledhjet e tij janë të hapura për kandidatët dhe vëzhguesit.
7. KZF-ja i merr vendimet me shumicën e thjeshtë të të gjithë anëtarëve të saj. Vendimet e KZF-së publikohen në mjedisin e njësisë kryesore, ku është e vendosur selia e saj, jo më vonë se 12 orë pas marrjes së tyre.
8. KZF-ja ka këto kompetenca:
 - a. Përgjigjet për administrimin dhe zhvillimin e zgjedhjeve në njësinë kryesore.
 - b. Kryen funksionet e Komisionit të Qendrës së Votimit në rastin kur në njësinë kryesore ka vetëm një qendër votimi.
 - c. Emëron kryetarin dhe anëtarët e Komisioneve të Qendrave të Votimit, në rast kur, me vendim të KIZ-it, në njësinë kryesore votimi do të zhvillohet në më shumë se një qendër votimi.
 - d. Regjistron kandidatët për dekan të njësisë kryesore dhe për përgjegjës të njësive bazë.
 - e. Publikon listën e zgjedhësve në mjediset e njësisë kryesore pas miratimit përfundimtar të saj.
 - f. Shpall rezultatin e zgjedhjeve për dekan të njësisë kryesore dhe për përgjegjës të njësive bazë dhe ia dërgon KIZ-it.
 - g. Shpall rezultatin e votimit për rektorin dhe për anëtarët e senatit akademik, të cilin e dërgon në KIZ.
 - h. Merr vendim brenda kompetencave të veta mbi ankimet që regjistrohen prej kandidatëve.
9. Kandidatët për dekan dhe drejtues të njësive bazë kanë të drejtë të kenë përfaqësuesin e tyre në KZF dhe KQV, si vëzhgues të cilët akreditohen prej KIZ-it. Vëzhguesit duhet të jenë pjesë me kohë të plotë e personelit akademik.
10. Mandati i anëtarit të KZF-së ndërpritet në rastet kur:
 - a. Kryen veprimtari në favor të një kandidati;
 - b. Vdes;
 - c. Jep dorëheqjen nga detyra;
 - d. Dënohet për vepra penale me vendim gjyqësor të formës së prerë;
 - e. Me veprimet dhe mosveprimet e tij cënon rëndë veprimtarinë e KZF-së dhe procesin zgjedhor;
 - f. Mungon, pa shkaqe të arsyeshme, në tri mbledhje radhazi. Shqyrtimi i çështjes së ndërprerjes së mandatit të një anëtarit të KZF-së, në këtë rast, bëhet vetëm me kërkesën e të paktën dy anëtarëve të tij, të cilët e paraqesin atë te KIZ-i. Vendimin për ndërprerjen e mandatit e merr KIZ-i, jo më vonë se 1 orë pas paraqitjes së kërkesës. Për të duhet të votojnë "Pro" jo më pak se 2/3 e anëtarëve të tij. Vendi bosh plotësohet brenda 24 orëve prej KIZ-it.
11. Sekretari përgatit materialet për çdo mbledhje të KZF-së. Ai merr pjesë në mbledhje, mban procesverbalet e mbledhjeve dhe për çdo rast jep shpjegime për çështjet që i kërkojnë. Procesverbali i mbledhjeve duhet të firmoset nga anëtarët e pranishëm në mbledhje dhe të



firmoset e vuloet nga sekretari. Sekretari është përgjegjës për administrimin e të gjithë dokumentacionit të KZF-së.

12. Vendimet e KZF-së firmosen prej gjithëanëtarëve dhe vuloen me vulën KZF-së.

Neni 8

Qendrat e Votimit

Pranë çdo njësie kryesore, caktohen Qendrat e Votimit nga KIZ-i . Si rregull, çdo qendër votimi ka deri në 1000 (njëmijë) zgjedhës, të të gjitha trupave zgjedhore përfshirë studentët. Në rast se njësia kryesore ka më shumë se 1000 (një mijë) zgjedhës, KIZ-i mund të caktojë më shumë se një qendër votimi për atë njësi kryesore.

Neni 9

Komisioni i Qendrës së Votimit (KQV)

1. Në rastin kur procesi i votimit do të zhvillohet vetëm në një qendër votimi në njësinë kryesore, detyrat e komisionit të qendrës së votimit kryhen prej KZF-së. Kur KIZ-i ka vendosur ngritjen e më shumë se një qendre votimi në njësinë kryesore, KZF-ja ngre komisionet e qendrës së votimit (KQV).
2. KQV-ja përbëhet nga jo më pak se 3 anëtarë, njëri prej të cilëve është përfaqësues i studentëve. Anëtarët e KQV-së emërohen prej KZF-së në bazë të vetë kandidimeve.
3. Vendimi për formimin e KQV-së merret prej KZF-së jo më vonë se tri ditë para ditës së votimit. Në këtë vendim caktohet edhe kryetari i KQV-së. Njëri prej anëtarëve kryen detyrat e sekretarit të KQV-së.
4. Anëtari i KQV-së nuk mund të kandidojë për asnjë post drejtues ose anëtar në organet drejtuese.
5. Komisioni i qendrës së votimit ka për detyrë vetëm organizimin, zhvillimin dhe mbarëvajtjen e procesit të votimit ditën e zgjedhjeve. Në përfundim të këtij procesi, KQV-ja administron materialet zgjedhore, sipas procedurës dhe rregullave të caktuara në këtë rregullore dhe ia dorëzon ato KZF-së.

Neni 10

Të drejtat dhe detyrat e vëzhguesve

1. Gjatë kryerjes së detyrave të tyre, vëzhguesit kanë këto të drejta:
 - a. Të vëzhgojnë pa pengesë të gjitha aspektet e përgatitjes dhe zhvillimit të zgjedhjeve dhe të gjitha fazat e procesit zgjedhor;
 - b. Të paraqesin vërejtje me shkrim para komisioneve të zgjedhjeve për çdo lloj parregullsie që vërejnë;
 - c. Të shohin ose të këqyrin dokumentacionin ose materialet e procesit zgjedhor;



- d. Çdo kandidat/e i/e vetëkandiduar për autoritet drejtues dhe Senatin Akademik të UGJ-së ka të drejtë të caktojë 1 (një) vëzhgues në KZF, KQV dhe për çdo tavolinë në vendin e numërimit të votave pas regjistrimit të kandidatit/es në procesin zgjedhor.
 - e. Organizata joqeveritare shqiptare dhe të huaja, organizata kombëtare dhe ndërkombëtare të specializuara dhe të angazhuara për mirëqeverisjen dhe demokratizimin, përfaqësues të ministrisë së linjës ose të medias kanë të drejtë të dërgojnë vëzhgues në zgjedhjet e UGJ-së. Akreditimi i tyre ka të njëjtën procedurë si dhe ai i vëzhguesve të kandidatëve konkurrentë, anëtarë të stafëve akademike apo studentëve në UGJ. Ai bëhet mbi bazën e të dhënave vetjake të çdo vëzhguesi.
 - f. Vëzhguesit, kandidatët dhe përfaqësuesit e tyre si vëzhgues i ndalohet rreptësisht prishja e qetësisë, filmimi dhe fotografimi gjatë procesit të votimit dhe numërimit. Në rast të shkeljes së këtyre standardeve etike, i tërhiqet vëmendja publikisht. Në rast përsëritjeje KIZ-i/KZF-ja merr vendim për përjashtimin e tij/saj me shumicë votash.
2. Vëzhguesit kanë këto detyra:
- a. Të respektojnë kërkesat e kësaj rregulloreje dhe udhëzimet e KIZ-së për vëzhgimin e zgjedhjeve;
 - b. Të veprojnë në mënyrë të paanshme dhe të mos bëjnë propagandë për asnjë kandidat, në qendrat e votimit ose në vende të tjera të ndaluara sipas kësaj rregulloreje;
 - c. Të paraqiten para komisioneve të zgjedhjeve me autorizimin e lëshuar nga KIZ-i, si dhe me një dokument identifikimi të pranuar nga KIZ-i;
 - d. Të mos mbajnë shenja dalluese, që shërbejnë si mjete propagande ose që mund të ndikojnë mbi vullnetin e zgjedhësit;
 - e. Të mos dhunojnë të drejtën e votuesit për të votuar në fshehtësi dhe të mos pengojnë procesin e votimit, të numërimit dhe administrimit të zgjedhjeve.

KREU III

Zgjedhësit dhe lista e zgjedhësve

Neni 11

Zgjedhësit dhe përgatitja e listës së zgjedhësve

1. Në zgjedhjet për autoritetet dhe organet drejtuese në Universitetin "Eqrem Çabej" marrin pjesë:
 - a. Anëtarët e personelit akademik me kohë të plotë të njësive kryesore. Anëtarët e personelit akademik, që sipas nenit 65 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", kanë mbushur moshën për pension, nuk kanë të drejtë të zgjidhen, si autoritete drejtuese apo në organet drejtuese dhe nuk bëjnë pjesë në trupën zgjedhore, si dhe anëtar të KIZ, KZF, KQV.
 - b. Studentët që ndjekin studimet në ciklin e parë, ciklin e dytë dhe programet profesionale të larta, me kohëtë plotë.
 - c. Çdo anëtar i personelit akademik me kohë të plotë i njësive kryesore në Universitetin "Eqrem Çabej" ka të drejtë të zgjedhë dhe të zgjidhet, në përputhje me dispozitat e



parashikuara në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” dhe në këtë rregullore. Nuk e gëzon të drejtën për të zgjedhur dhe për t’u zgjedhur anëtar i personelit akademik i punësuar gjatë muajit zgjedhor.

- d. Çdo student i ciklit të parë, të dytë dhe arsimit profesional në Universitetin “Eqrem Çabej” ka të drejtën e zgjedhjes së autoriteteve drejtuese (me përjashtim të drejtuesit të njësisë bazë) dhe të anëtarëve të Senatit Akademik. Çdo student ka të drejtën e zgjedhjes dhe të të zgjedhurit për përfaqësuesit e studentëve në Senatin Akademik, në përputhje me dispozitat e parashikuara në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” dhe në këtë rregullore.
2. Lista e zgjedhësve për personelin akademik hartohet për çdo njësi bazë, mbi bazën e të dhënave të regjistrit të personelit akademik, të punësuar me kohë të plotë që administrohet nga Zyra e burimeve Njerëzore në Drejtorinë e Shërbimeve Ndihmësakademi- Administrative në Universitetin “Eqrem Çabej”. Çdo zgjedhës identifikohet me përbërësit zgjedhorë:
 - a. Emri
 - b. Atësia
 - c. Mbiemri
 - d. Datëlindja
 - e. Gjinia
 - f. Njësia bazë ku është i punësuar / programi mësimor që ndjek studenti.
3. Organ përgjegjës për hartimin e listës së zgjedhësve janë struktura e burimeve njerëzore të Universitetit “Eqrem Çabej” dhe njësitë bazë, departamentet dhe, për studentët, sekretariatë mësimore përkatëse.
4. Procedura për hartimin e listës së zgjedhësve është si më poshtë:
 - a. Lista paraprake e zgjedhësve për personelin akademik të njësisë bazë hartohet nga struktura e burimeve njerëzore, brenda 15 ditëve nga fillimi i procesit zgjedhor.
 - b. Lista paraprake dërgohet në njësinë bazë përkatëse, e cila brenda 24 orëve verifikon dhe miraton përbërjen e saj. Lista e miratuar nga përgjegjësi/ i ngarkuari me detyrën e përgjegjës, të njësisë bazë i dërgohet dekanit ose të ngarkuarit me detyrën e dekanit të njësisë kryesore, i cili e miraton dhe e shpall brenda jo më vonë se dy ditëve. Lista e miratuar afishohet në mjediset e njësisë kryesore. Një kopje e listës i dërgohet KIZ-it.
 - c. Lista e miratuar duhet të jetë e firmosur në çdo faqe, prej dekanit ose të ngarkuarit me detyrën e dekanit të njësisë kryesore dhe e vulosur me vulën e njësisë kryesore.
5. Lista përfundimtare miratohet nga dekani i njësisë kryesore. Organ përgjegjës për hartimin e listës së zgjedhësve për studentët është sekretaria mësimore e njësisë kryesore.
6. Procedura për hartimin e listës së zgjedhësve për studentët është si më poshtë:
 - a. Lista paraprake e zgjedhësve për studentët e njësisë kryesore hartohet prej sekretarisë mësimore të njësisë kryesore jo më vonë se 10 ditë nga fillimi i procesit zgjedhor.
 - b. Lista paraprake afishohet në mjediset e njësisë kryesore.
 - c. Gjatë një periudhe deri në shtatë ditë pas shpalljes së listës paraprake, sekretaria mësimore pranon kërkesat për korrigjime.



- d. Pas verifikimit të kërkesës, sekretaria realizon korrigjimin e kërkuar brenda 48 orësh.
 - e. Pas përfundimit të periudhës për korrigjimin e listës, sekretaria harton listën përfundimtare e cila miratohet prej dekanit ose të ngarkuarit me detyrën e dekanit të njësisë kryesore. Lista e zgjedhësve për studentë afishohet në mjediset e njësisë kryesore. Një kopje e listës i dërgohet KIZ-it.
 - f. Lista e miratuar duhet të jetë e firmosur në çdo faqe prej dekanit ose të ngarkuarit me detyrën e dekanit të njësisë kryesore dhe e vulosur me vulën e njësisë kryesore.
 - g. Lista përfundimtare miratohet nga dekani i njësisë kryesore.
7. Shtatë ditë përpara ditës së zgjedhjeve, lista përfundimtare e zgjedhësve për personelin akademik dhe për studentët nuk mund të korrigjohet për asnjë arsye. Pas kësaj periudhe, zgjedhësit që nuk e kanë emrin në listën e zgjedhësve ose kanë gabime në përbërësit zgjedhorë, mund të votojnë vetëm në rastin kur, pas shqyrtimit të kërkesës së tyre, KIZ-i vendos me vendim lidhur me kërkesat për të marrë pjesë në zgjedhje. Kërkesa të tilla KIZ-i mund t'i shqyrtojë deri në dy ditë përpara ditës së zgjedhjeve. Zgjedhësi i pajisur me vendimin e KIZ-it mund të votojë vetëm me paraqitjen e tij në Komisionin e Qendrës së Votimit.
8. E gjithë procedura për hartimin e listës së zgjedhësve për personelin akademik dhe studentët monitorohet prej KIZ-it. Për këtë qëllim, KIZ-i miraton një plan pune kalendar dhe cakton dy prej anëtarëve të tij për monitorimin e këtij procesi. Anëtarët përgjegjës raportojnë, në mënyrë periodike në KIZ, për ecurinë e procedurave për hartimin e listës së zgjedhësve.

Neni 12

Trupa zgjedhore për anëtarët e personelit akademik të senatit akademik

Trupa zgjedhore për senatin akademik të Universitetit "Eqrem Çabej" përbëhet nga personeli akademik me kohë të plotë i të gjitha njësive kryesore. Personel akademik me kohë të plotë, do të konsiderohet personeli i përcaktuar në gërmën "a" të pikës 1 të nenit 11 të kësaj rregulloreje.

Neni 13

Trupa zgjedhore për anëtarët studentë të senatit akademik

Trupa zgjedhore për anëtarët studentë të senatit akademik të Universitetit "Eqrem Çabej" përbëhet nga studentët, të cilët ndjekin studimet me kohë të plotë të ciklit të parë, të dytë dhe të programeve profesionale të larta, në këtë institucion.

Neni 14

Trupa zgjedhore për rektorin

Trupa zgjedhore për rektorin e Universitetit "Eqrem Çabej" përbëhet nga:

- a. personeli akademik me kohë të plotë i të gjitha njësive kryesore. Personel akademik me kohë të plotë, do të konsiderohet personeli i përcaktuar në gërmën "a" të pikës 1 të nenit 11 të kësaj rregulloreje.



- b. studentët të përcaktuar në gërmën “b” të pikës 1 të nenit 11 të kësaj rregulloreje. Votat e studentëve në përzgjedhjen e rektorit llogariten në masën dhjetë përqind të totalit të përgjithshëm të votave.

Neni 15

Trupa zgjedhore për drejtuesin e njësisë kryesore

Trupa zgjedhore për drejtuesit e njësive kryesore të Universitetit “Eqrem Çabej” përbëhet nga:

- a. personeli akademik me kohë të plotë i njësisë kryesore respektive. Personel akademik me kohë të plotë do të konsiderohet personeli i përcaktuar në gërmën “a” të pikës 1 të nenit 11 të kësaj rregulloreje.
- b. studentët të përcaktuar në gërmën “b” të nenit 11 të kësaj rregulloreje, në atë njësi kryesore. Votat e studentëve në përzgjedhjen e drejtuesit të njësisë kryesore llogariten në masën dhjetë përqind të totalit të përgjithshëm të votave.

Neni 16

Trupa zgjedhore për drejtuesin e njësisë bazë

Trupa zgjedhore për drejtuesit e njësive bazë të Universitetit “Eqrem Çabej” përbëhet nga personeli akademik me kohë të plotë i njësive bazë respektive. Personel akademik me kohë të plotë do të konsiderohet personeli i përcaktuar në gërmën “a” të pikës 1 të nenit 11 të kësaj rregulloreje.

KREU IV

Regjistrimi i subjekteve dhe fushata zgjedhore

Neni 17

Regjistrimi i kandidatëve

1. Procesi i regjistrimit të kandidatëve për autoritetet dhe organet drejtuese në Universitetin “Eqrem Çabej” fillon ditën e shpalljes nga komisioni zgjedhor përkatës dhe përfundon në orën 16.00 të ditës së pestë kalendarike.
2. Dita për fillimin e regjistrimit të kandidateve për rektor dhe për anëtarë të Senatit Akademik shpallet prej KIZ-it, dy ditë kalendarike pas ditës së konstituimit të tij.
3. Dita për fillimin e procedurës për regjistrimin e kandidatëve për dekan të njësisë kryesore, përgjegjës të njësisë bazë, shpallet prej KZF-së dy ditë kalendarike pas ditës së konstituimit të tij.
4. Mosregjistrimi i kandidatëve bëhet me vendim të arsyetuar nga KIZ-i. Vendimi për mosregjistrim të kandidatëve është i ankimueshëm pranë komisionit të apelit.
5. Kandidatët e regjistruar pranë KIZ-it/KZF-së për autoritet drejtues në UGJ dhe organe drejtuese nuk mund të heqin dorë nga kandidimi gjatë procesit zgjedhor.



Neni 18

Kriteret për anëtarët e senatit akademik

1. Kandidatët për anëtarë të Senatit Akademik duhet të plotësojnë kriteret e përcaktuara në këtë rregullore dhe në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”.
2. Kandidatët për anëtarë të Senatit Akademik, në Universitetin “Eqrem Çabej” i përkasin kategorisë “Profesor” ose kanë gradën shkencore “Doktor” (“PHD”) të fituar pranë universiteteve të vendeve anëtare të OECD-së ose BE-së. Në mungesë të kandidatëve me këtë titull dhe për efekt përfaqësimi, kategoria e tyre mund të zbresë, sipas përcaktimeve të bëra në statutin e UGJ-së.
3. Kandidatët për anëtar të Senatit Akademik, në Universitetin “Eqrem Çabej”, përfaqësues të studentëve i përkasin kategorisë student të ciklit të parë, të ciklit të dytë dhe programeve profesionale të larta. Në rastet kur një student i zgjedhur në senatin akademik përfundon studimet universitare ose humbet statusin e studentit, ai zëvendësohet nga kandidati pasardhës në renditje, për nga numri i votave të grumbulluara në zgjedhjet e fundit, deri në përfundim të mandatit të nisur. Nëse nuk ka studentë të mbetur në listë, zhvillohen përsëri zgjedhjet, siç parashikohet në këtë rregullore.
4. Nuk mund të kandidojnë për anëtar të Senatit Akademik, anëtarët e personelit akademik me kohë të plotë apo studentet me kohë të plotë, të UGJ-së që:
 - a. Janë në ndjekje penale dhe ndaj tyre është dhënë masë e sigurimit personal;
 - b. Janë dënuar për vepra penale me vendim gjyqësor të formës së prerë;
 - c. Janë të dënuar më parë për vepra penale;
 - d. Nuk kanë shkak për të qënë objekt i ligjit nr.nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”;
 - e. Nuk kanë shkak për të qënë objekt i ligjit nr. nr. 45/2015 “Për të drejtën e informimit për dokumentet e ish-sigurimit të shtetit të Republikës Popullore Socialiste të Shqipërisë”;
 - f. Nuk dorëzojnë formularin e vetëdeklarimit për mungesën e plagjiaturës në punimet për fitimin e gradës shkencore/ titullit akademik, sipas aneksit 1 (një) bashkëngjitur kësaj rregulloreje;
 - g. kanë mbushur moshën për pension sipas nenit 65 të ligjit nr.80/2015.

Neni 19

Kriteret për rektor të Universitetit “Eqrem Çabej”

1. Kandidatët për rektor të Universitetit “Eqrem Çabej”, duhet të plotësojnë kriteret e përcaktuara në këtë rregullore dhe në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë si dhe në Statutin e Universitetit “Eqrem Çabej”.
2. Kandidatët për rektor të Universitetit “Eqrem Çabej”, duhet të mbajnë titullin “Profesor” dhe mund të vijnë nga radhët e personelit akademik me kohë të plotë të UGJ-së ose jashtë tij.



3. Kandidatët për rektor vetëkandidohen dhe duhet të plotësojnë edhe kriteret e mëposhtme:
- të kenë përvojë në mësimdhënie ose kërkim shkencor jo më pak se 10 (dhjetë) vjet;
 - të kenë përvojë akademike në cilësinë e titullarit të disiplinave të lëndëve, si dhe të kenë zhvilluar kurrikula, programe lëndësh, të kenë përgatitur literaturë mbështetëse dhe ose të kenë zhvilluar projekte kërkimore etj., prej të paktën 5 (pesë) vjetësh;
 - Nuk mund të kandidojnë për rektor të Universitetit "Eqrem Çabej", kandidatët që:
 - Janë në ndjekje penale dhe ndaj tyre është dhënë masë e sigurimit personal;
 - Janë dënuar për vepra penale me vendim gjyqësor të formës së prerë;
 - Janë të dënuar më parë për vepra penale;
 - Kanë qenë rektor të zgjedhur në Universitetin "Eqrem Çabej" për dy ose më shumë mandate, të njëpasnjëshme apo të ndara. Në numrin e mandateve, sipas kësaj pike, përlllogariten mandatet e fituara sipas ligjit nr. 9741, datë 21.5.2007, "Për arsimin e lartë në Republikën e Shqipërisë", të ndryshuar, dhe të gjitha mandatet e tjera në vijim të fituara me zgjedhje, pavarësisht kohëzgjatjes;
 - Kanë mbushur moshën për pension sipas nenit 65 të ligjit nr.80/2015;
 - Kandidojnë për autoritete të tjera drejtuese;
 - kanë papajtueshmëri në kuptim të ligjit nr. 45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë";
 - kanë papajtueshmëri në kuptim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike";
 - nuk dorëzojnë formularin e vetëdeklarimit (të cilin mund ta tërheqin pranë KIZ-it) për mungesën e plagjiaturës në punimet për fitimin e gradës shkencore dhe titullit akademik, sipas aneksit 1 (një) bashkëngjitur kësaj rregulloreje;

Neni 20

Kriteret për drejtues të njësisë kryesore në Universitetin "Eqrem Çabej"

- Kandidatët për drejtues të njësisë kryesore në Universitetin "Eqrem Çabej" duhet të plotësojnë kriteret e përcaktuara në këtë rregullore dhe në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë".
- Kandidatët për drejtues të njësisë kryesore në Universitetin "Eqrem Çabej", i përkasin kategorisë "Profesor" dhe mund të vijnë nga radhët e personelit akademik me kohë të plotë të UGJ-së ose jashtë tij.
- Kandidatët për drejtues të njësisë kryesore vetëkandidohen dhe duhet të plotësojnë edhe kriteret e mëposhtme:
 - të kenë përvojë në mësimdhënie ose kërkim shkencor jo më pak se 10 (dhjetë) vjet;
 - të kenë përvojë akademike në cilësinë e titullarit të disiplinave të lëndëve, si dhe të kenë zhvilluar kurrikula, programe lëndësh, të kenë përgatitur literature mbështetëse dhe ose të kenë zhvilluar projekte kërkimore etj., prej të paktën 5 (pesë) vjetësh.
- Nuk mund të kandidojnë për drejtues të njësisë kryesore në Universitetin "Eqrem Çabej", kandidatët që:



- a. janë në ndjekje penale dhe ndaj tyre është dhënë masë e sigurimit personal;
- b. janë dënuar për vepra penale me vendim gjyqësor të formës së prerë;
- c. janë të dënuar më parë për vepra penale;
- d. kanë qenë drejtues të njësive kryesore të zgjedhur për dy ose me shumë mandate, të njëpasnjëshme apo të ndara në Universitetin “Eqrem Çabej”. Në numrin e mandateve, sipas kësaj pike, përllogariten mandatet e fituara sipas ligjit nr. 9741, datë 21.5.2007, “Për arsimin e lartë në Republikën e Shqipërisë”, të ndryshuar, dhe të gjitha mandatet e tjera në vijim të fituara me zgjedhje, pavarësisht kohëzgjatjes;
- e. kanë mbushur moshën për pension sipas nenit 65 të ligjit nr.80/2015;
- f. kandidojnë për autoritete të tjera drejtuese;
- g. kanë papajtueshmëri në kuptim të ligjit nr. 45/2015 “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;
- h. kanë papajtueshmëri në kuptim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”;
- i. nuk dorëzojnë formularin e vetëdeklarimit (të cilin mund ta tërheqin pranë KIZ-it) për mungesën e plagjiaturës në punimet për fitimin e gradës shkencore dhe titullit akademik, sipas aneksit 1(një) bashkëngjitur kësaj rregulloreje;

Neni 21

Kriteret për drejtues të njësisë bazë në Universitetin “Eqrem Çabej”

1. Kandidatët për drejtues të njësisë bazë në Universitetin “Eqrem Çabej” duhet të plotësojnë kriteret e përcaktuara në këtë rregullore dhe në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”.
2. Kandidatët për drejtues të njësisë bazë në Universitetin “Eqrem Çabej” janë personel akademik me kohë të plotë të njësisë bazë që i përkasin kategorisë “Profesor” ose kanë gradën shkencore “PHD” të fituar pranë universiteteve të vendeve anëtare të OECD-së ose BE-së. Në rastet kur nuk ka kandidatë të kësaj kategorie, mund të kandidojë për drejtues edhe lektori, kur ky i fundit mban gradën shkencore “Doktor”.
3. Kandidatët për drejtues të njësisë bazë vetëkandidohen dhe duhet të plotësojnë edhe kriteret e mëposhtme:
 - a. të kenë përvojë në mësimdhënie për një periudhë jo më pak se 5 (pesë) vjet dhe të jenë pjesë e personelit akademik me kohë të plotë;
 - b. të kenë veprimtari të spikatur akademike, kërkimore dhe shkencore të vazhdueshme.
4. Nuk mund të kandidojnë për drejtues të njësisë bazë në Universitetin “Eqrem Çabej”, kandidatët që:
 - a. Janë në ndjekje penale dhe ndaj tyre është dhënë masë e sigurimit personal;
 - b. Janë dënuar për vepra penale me vendim gjyqësor të formës së prerë;
 - c. Janë të dënuar më parë për vepra penale;
 - d. Kanë qenë drejtues të njësive bazë të zgjedhur për dy ose me shumë mandate, të njëpasnjëshme apo të ndara në Universitetin “Eqrem Çabej”. Në numrin e mandateve, sipas



kësaj pike, përllëgoariten mandatet e fituara sipas ligjit nr. 9741, datë 21.5.2007, "Për arsimin e lartë në Republikën e Shqipërisë", të ndryshuar, dhe të gjitha mandatet e tjera në vijim të fituara me zgjedhje pavarësisht kohëzgjatjes;

- e. Kanë mbushur moshën për pension sipas nenit 65 të ligjit nr.80/2015;
- f. Kandidojnë për autoritete të tjera drejtuese;
- g. Kanë papajtueshmëri në kuptim të ligjit nr. 45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë";
- h. Kanë papajtueshmëri në kuptim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike";
- i. Nuk dorëzojnë formularin e vetëdeklarimit (të cilin mund ta tërheqin pranë KIZ-it) për mungesën e plagjiaturës në punimet për fitimin e gradës shkencore/titullit akademik, sipas aneksit 1(një) bashkëngjitur kësaj rregulloreje;

Neni 22

Kandidimi

1. Kandidatët për autoritete drejtuese të të gjitha niveleve dhe Senatit akademik vetëkandidohen.
2. Kandidatët për Senatit Akademik, përfaqësues të studentëve, propozohen nga jo më pak se 30 studentë, pjesë e trupës zgjedhore.
3. Dokumentet e kandidimit duhet të jenë në përputhje me kërkesat e ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe kërkesat e kësaj rregulloreje.

Neni 23

Dokumentacioni për kandidim

1. Dokumentacioni për kandidim nga kandidatët dorëzohet në KIZ/KZF dhe përmban:
 - a. kërkesën për kandidim, e cila përmban:
 - emrin;
 - atësinë;
 - mbiemrin;
 - datëlindjen;
 - gjininë;
 - b. kopje të dokumentit të identifikimit;
 - c. kopje të noterizuar të titullit akademik ose gradës shkencore;
 - d. dokumentin që vërteton vendin ku kandidati është i punësuar dhe vitet e punësimit;
 - e. shprehjen e vullnetit për kandidim;
 - f. formularin e vetëdeklarimit (*ANEKSI 1*), bashkëngjitur kësaj rregulloreje, i cili mund të tërhiqet pranë KIZ-it për:
 - mungesën e plagjiaturës në punimet për fitimin e gradës shkencore/titullit akademik;
 - që nuk është në ndjekje penale dhe nuk është dhënë masë e sigurimit personal;



- që nuk është i dënuar me vendim gjyqësor të formës së prerë për vepra penale;
 - që nuk është i dënuar më parë për vepra penale;
 - që nuk ka shkak për të qënë objekt i ligjit nr.138/2015 “Për garantimin e integritetit të personave që zgjidhen, emërohen ose ushtrojnë funksione publike”;
 - që nuk ka shkak për të qënë objekt i ligjit nr. 45/2015 “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;
 - që nuk ka qënë autoritet drejtues akademik, i zgjedhur për dy ose më shumë mandate, në të njëjtin funksion, të njëpasnjëshme apo të ndara, në Universitetin “Eqrem Çabej”. Në numrin e mandateve përlllogariten mandatet e fituara sipas ligjit nr. 9741, datë 21.05.2007 “Për arsimin e lartë në Republikën e Shqipërisë”, të ndryshuar, dhe të gjitha mandatet e tjera në vijim të fituara me zgjedhje, pavarësisht kohëzgjatjes.
- g. Dokumentet e kandidimit për studentët dorëzohen në KIZ dhe përmbajnë:
- kërkesën për kandidim, e cila përfshin emrin, atësinë, mbiemrin, datëlindjen, gjininë dhe shprehjen e vullnetit për kandidim;
 - kopje të dokumentit të identifikimit;
 - vërtetimin që provon se është student me kohë të plotë nënjë nga njësitë kryesore të UGj-së;
 - propozimin nga jo më pak se 30 studentë, pjesë e trupës zgjedhore, sipas standardeve të parashikuara në këtë rregullore, të cilët krahas emrit, mbiemrit dhe nënshkrimit vendosin në shkresën e propozimit edhe numrin personal të kartës së identitetit;
- h. formularin e vetëdeklarimit (*ANEKSI I*), bashkëngjitur kësaj rregulloreje, i cili mund të tërhiqet pranë KIZ) për:
- që nuk është në ndjekje penale dhe nuk është dhënë masë e sigurimit personal;
 - që nuk është i dënuar me vendim gjyqësor të formës së prerë për vepra penale;
 - që nuk është i dënuar më parë për vepra penale;
 - që nuk ka shkak për të qënë objekt i ligjit nr.138/2015 “Për garantimin e integritetit të personave që zgjidhen, emërohen ose ushtrojnë funksione publike”;
 - që nuk ka shkak për të qënë objekt i ligjit nr. 45/2015 “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;
- i. Pas verifikimit të dokumentacionit, KIZ-i, jo më vonë se 48 orë nga përfundimi i afatit të paraqitjes së kërkesave për kandidim, miraton listën e kandidatëve për rektor dhe të kandidatëve për Senatin Akademik. Listat shpallen publikisht në mjediset e institucionit (këndi zgjedhor) dhe në faqet zyrtare elektronike të UGj-së.
- j. Pas verifikimit të dokumentacionit KZF-ja, jo më vonë se 48 orë nga përfundimi i afatit të paraqitjes së kërkesave për kandidim, miraton listën e kandidatëve për drejtues, dekan, të njësisë kryesore, si dhe listën e kandidatëve për drejtues të njësisë bazë.
- k. Pas regjistrimit çdo kandidati i jepet vërtetimi i regjistrimit si kandidat prej komisionit zgjedhor që kryen regjistrimin e tij. Forma e këtij vërtetimi miratohet me vendim të KIZ-it/KZF-së.



Neni 24

Kohëzgjatja e mandateve

Organet dhe autoritetet drejtuese zgjidhen për një mandat 4-vjeçar. Rastet e ndërprerjes së mandateve përcaktohen në kuadrin ligjor në fuqi.

Mandati i anëtarëve të KIZ-it/KZF-së dhe komisionit të apelimit është 4- vjeçar.

Neni 25

Përfaqësimi i njësive kryesore në Senatin Akademik

Jo më vonë se tre ditë kalendarike nga fillimi i procesit zgjedhor, Senati Akademik i Universitetit “Eqrem Çabej”, me vendim, përcakton numrin e përfaqësuesve në Senatin Akademik të ardhshëm, sipas dispozitave të neneve 33 dhe 37 të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” si dhe nenit 18 të Statutit të universitetit “Eqrem Çabej”. Numri i përfaqësuesve në Senatin Akademik duhet të jetë numër tek. Numri i përfaqësuesve në Senatin Akademik për student duhet të jetë në masën 10 (dhjetë) përqind të numrit të anëtarëve të senatit.

Neni 26

Fushata zgjedhore

1. Fushata zgjedhore fillon në datën e përcaktuar nga urdhri i autoritetit përkatës (ministri, rektori).
2. Fushata zgjedhore përfundon 24 orë para datës së zgjedhjeve. Dita para datës së zgjedhjeve dhe data e zgjedhjeve deri në mbylljen e votimit formojnë periudhën e heshtjes zgjedhore. Në periudhën e heshtjes zgjedhore nuk lejohet asnjë lloj fushate zgjedhore.
3. Administratori dhe administrata e institucionit duhet t’u krijojë kushte të përshtatshme dhe të barabarta të gjithë kandidatëve për të zhvilluar aktivitetet e tyre në kuadër të fushatës elektorale. Në përputhje me kërkesën e kandidatit për kohën dhe vendin për zhvillimin e aktivitetit, administrata e institucionit merr të gjitha masat e nevojshme për zhvillimin e tij, jashtë orëve të mësimi që zhvillohen në institucion.

KREU V

Përgatitja e infrastrukturës dhe e dokumentacionit për zgjedhjet

Neni 27

Vendndodhja e komisioneve zgjedhore dhe vendeve të numërimit të votave

1. Vendndodhja e komisioneve zgjedhore përcaktohet sipas rregullit të mëposhtëm:
 - a. Selia e KIZ-it vendoset në godinën ku ndodhet administrata qendrore e Universitetit “Eqrem Çabej”.
 - b. Selia e KZF-së vendoset në godinën ku zhvillon aktivitetin mësimor ose kërkimor njësia kryesore.



2. Vendet e numërimit të votave përcaktohen sipas rregullit të mëposhtëm:
 - a. Votat për rektor, drejtuesin e njësisë kryesore, drejtuesin e njësisë bazë dhe për anëtar të Senatit Akademik numërohen në një sallë në godinën ku zhvillon aktivitetin mësimor ose kërkimor njësisia kryesore.
 - b. Vendet e numërimit të votave duhet të jenë salla me përmasa të mëdha, të cilat të krijojnë mundësinë për zhvillimin normal të procesit të numërimit të votave. Organizimi i sallës për numërimin e votave duhet të bëhet i tillë që t'ju japë mundësi vëzhguesve dhe kandidatëve të vëzhgojnë procesin e vlerësimit dhe numërimit të votave.

Neni 28

Komisionet për vlerësimin dhe numërimin e votave

1. Votat për rektor, anëtarë të Senatit Akademik, drejtues të njësisë kryesore, drejtues të njësisë bazë, vlerësohen dhe numërohen prej KZF-së.
2. KZF-ja, pas numërimit të votave, plotëson tabelat zgjedhore për secilën kategori dhe ia përcjell KIZ-it brenda 24 orëve nga ora e mbylljes së procesit të votimit.
3. KIZ-i, pas kalimit të afateve për ankimim, shpall fituesit sipas përcaktimeve në këtë rregullore.

Neni 29

Përgatitja e dokumentacionit zgjedhor

1. Për zgjedhjet për autoritetet drejtuese dhe Senatin Akademik personeli akademik voton me katër fleta me ngjyra të ndryshme:
 - a. Fletëvotimi për rektor;
 - b. Fletëvotimi për drejtues të njësisë kryesore;
 - c. Fletëvotimi për drejtues të njësisë bazë;
 - d. Fletëvotimi për anëtar të Senatit Akademik nga personeli akademik;
2. Për zgjedhjet për autoritetet drejtuese dhe senatin akademik studentët votojnë me tre fletë votimi me ngjyra të ndryshme:
 - a. Fletëvotimi për rektor;
 - b. Fletëvotimi për drejtues të njësisë kryesore;
 - c. Fletëvotimi për anëtarë të senatit akademik, përfaqësues i studentëve;
3. Sasia e fletëve të votimit është e barabartë me numrin e zgjedhësve, duke i shtuar 2 (dy) përqind.
4. Fleta e votimit përgatitet prej KIZ-it. Duhet të jetë prej letre, me ngjyrë dhe trashësi që të mos lejojë leximin e votës në pjesën e pasme të saj. Fletët e votimit prodhohen në blloqe me numra serialë unikë. Informacioni që përmban fleta e votimit është:
 - a. Në krye të fletës së votimit vendoset emërtesa për të cilën do të përdoret;
 - b. Emërtimi i autoritetit drejtues ose Senati Akademik;
 - c. Emri, atësia, mbiemri për kandidatët e regjistruar për autoritetin ose organin drejtues përkatës, të cilët renditen sipas rendit alfabetik;



- d. Në rastin kur për autoritetin drejtues ose anëtar i Senatit Akademik është regjistruar dhe konkurren vetëm një kandidat, në fletën e votimit krahas emrit të tij vendosen alterantivat për votim "Pro" ose "Kundër";
- e. Në fletën e votimit për autoritetet drejtuese dhe anëtar për Senatin Akademik, zgjedhësi vendos në krah të emrit të kandidatit vetëm këto tri shenja "x" "+" "√". Shenja duhet të vendoset vetëm në krah të një emri .
- f. Fleta e votimit për studentët në sfond të saj ka të shkruar "Për student".

Neni 30

Dërgimi i materialeve zgjedhore nga KIZ nëKZF

1. Një ditë përpara datës së zgjedhjeve, KIZ dërgon në KZF materialet zgjedhore, si më poshtë:
 - a. Fletët e votimit për personelin akademik dhe për studentët, në përputhje me numrin e votuesve në njësinë kryesore respektive;
 - b. Listën e zgjedhësve për personelin akademik dhe listën e zgjedhësve për studentët;
 - c. Vulën e KZF-së;
 - d. Vulën e KQV-së, në rast se në njësinë kryesore do të ketë më shumë se një qendër votimi;
 - e. Procesverbalet e qendrës së votimit, ku bëjnë pjesë procesverbalet për vulosjen e kutive të votimit, hapjen e qendrës së votimit, pezullimin e votimit, si dhe mbylljen e votimit;
 - f. Zarfin në të cilin është shënuar "Fletëvotimi të dëmtuara";
 - g. Zarfin në të cilin është shënuar "Fletëvotimi të papërdorura";
 - h. Zarfin në të cilin është shënuar "Zarfi i procesverbalit të vulosjes";
 - i. Zarfin në të cilin është shënuar "Zarfi i fletëve të votimit të hedhura në kutinë e gabuar".
2. Përveç kutive me materiale zgjedhore, në KZF, dërgohen edhe kutitë e votimit:
 - a. Kutia e votimit për rektor;
 - b. Kutia e votimit për dekan;
 - c. Kutita e votimit për përgjegjës të njësisë bazë;
 - d. Kutia e votimit për anëtarët e Senatit Akademik nga personeli akademik i njësisë kryesore;
 - e. Kutia e votimit për anëtar të Senatit Akademik, përfaqësues i studentëve;
 - f. Librin e Protokollit të Mbledhjeve të KZF-së;
 - g. Tabelat për rezultatin e zgjedhjeve për secilën kategori;
 - h. Dhomat e fshehta.
 - i. Vulat me kodet e sigurisë.



KREU VI

Votimi

Neni 31

Veprimet paraprake për hapjen e qendrës së votimit

1. KZF-ja nën drejtimin e kryetarit dhe sekretarit dhe në prani të vëzhguesve, një orë përpara hapjes së qendrës së votimit, kryen këto detyra:
 - a. vendos tryezat, karriget, dhomën e fshehtë dhe kutitë e votimit në mënyrë të tillë që të sigurohet fshehtësia e votimit, lëvizja e shpejtë dhe e lirshme e zgjedhësve;
 - b. afishon udhëzimet për kryerjen e votimit në një vend të përshtatshëm dhe të dukshëm brenda qendrës së votimit;
 - c. afishon tabelat që ndalojnë përdorimin e çdo objekti që cënon fshehtësinë e votës;
 - d. kontrollon të gjitha materialet e marra në dorëzim;
 - e. u tregon vëzhguesve kutitë e votimit të zbrazëta. Në faqen e përparme të çdo kutie votimi vendoset emërtimi për autoritetin që do të votohet me ngjyrë të njëjtë me atë të fletës përkatëse të votimit;
 - f. mbyll kutitë e votimit me kodet e sigurisë dhe i shkruan këto kode në procesverbalin e vulosjes së kutive të votimit dhe në Librin e Protokollit të Mbledhjeve, i cili nënshkruhet nga të gjithë anëtarët e KQV-së. Procesverbali mbyllet në zarfin ku është shkruar “Zarfi i procesverbalit të vulosjes”, i cili futet në kutinë e votimit për rektor para fillimit të procesit të votimit;
 - g. sigurohet që në ambientet zgjedhore të mos ketë persona dhe shenja që çënojnë parimin e paanshmërisë dhe drejtësisë në procesin zgjedhor;
 - h. anëtarët e KZF-së, në prani të kandidatëve/vëzhguesve në rast se paraqiten, marrin vendim për hapjen e votimit dhe e nënshkruajnë atë.
2. Të njëjtat veprime kryen edhe nga KQV-ja në rastin kur në njësinë kryesore votimi kryhet në më shumë se një qendër votimi.

Neni 32

Procedurat e votimit

1. Votimet e përgjithshme për autoritetet drejtuese të të gjitha niveleve dhe Senatin Akademik në Universitetin “Eqrem Çabej” zhvillohen në datën e caktuar nga Ministri i Arsimit dhe Sportit.
2. Pas kryerjes së detyrave të përcaktuara në këtë rregullore, kryetari i KZF-së (KQV-së) deklaron hapjen e votimit jo më përpara se ora 8:00.
3. Sekretari shënon në Librin e Protokollit të KZF-së (KQV-së) kohën e largimit dhe të kthimit të çdo anëtari të komisionit prej qendrës së votimit. Kur kryetari largohet nga qendra e votimit, ai i kalon vulën e kryetarit për përdorim një anëtari të komisionit.
4. Fletët e votimit vulosen, në pjesën e pasme, në vendin e caktuar me vulën e KZF-së, të cilat mbajnë respektivisht shkrimin “KZF dhe emrin e Njesisë kryesore/Njesisë Bazë”.



5. Në qendrën e votimit vendosen kuti votimi në numër të barabartë me numrin e autoriteteve drejtuese, rektor, dekan, përgjegjës departamenti, për të cilat kryhet votimi në njësinë kryesore të institucionit të arsimit të lartë publik dhe dy kuti për Senatin akademik, një për anëtarët e senatit nga personeli akademik dhe një për anëtar senati përfaqësues i studentëve.
6. Në mjediset e njësisë kryesore ku kryhet procesi i votimit ndalohet rreptësisht çdo lloj forme fushate zgjedhore për kandidatët konkurrentë.
7. Zgjedhësit qëndrojnë në radhëjashtë qendrës së votimit dhe futen njëri pas tjetrit në qendrën e votimit për të votuar, me thirrjen e një anëtar të komisionit. Pasi hyn në qendrën e votimit:
 - a. zgjedhësi thotë emrin e tij, nëse është personel akademik apo student, njësinë bazë ku bën pjesë dhe paraqet para komisionit një nga dokumentet zyrtare të vlefshme të identitetit me të dhëna biometrike, kartë identiteti ose pasaportë;
 - b. kryetari, pasi verifikon se të dhënat e identitetit të zgjedhësit përputhen me të dhënat në listën e zgjedhësve dhe se zgjedhësi është i njëjtë me personin në dokumentin e identitetit, shënon në listën e zgjedhësve llojin dhe numrin e serisë së dokumentit të identitetit dhe i heq vizë emrit të zgjedhësit në këtë listë;
 - c. zgjedhësi që është pajisur nga KIZ-i me vendim për të votuar pasi hyn në qendër e paraqet atë te kryetari i qendrës. Emri i këtij zgjedhësi dhe numri i kartës së identitetit të tij shënohet në një regjistër të veçantë;
 - d. zgjedhësi nënshkruan në listën e zgjedhësve anash emrit të tij;
 - e. zgjedhësit, personel i stafit akademik, i jepen për të votuar fletët e votimit për rektor, për drejtues të njësisë kryesore, për përgjegjës departamenti si dhe për anëtarë të personelit akademik në Senatin Akademik;
 - f. zgjedhësit, studentit, i jepen për të votuar fletët e votimit për rektor, për drejtues të njësisë kryesore, për anëtarë në Senatin Akademik përfaqësues i studentëve;
 - g. çdo fletë e votimit vulozet, në pjesën e pasme të saj, me vulën e KZF-së /KQV-së;
 - h. pasi merr fletët e votimit zgjedhësi hyn në dhomën e fshehtë dhe:
 - i. në fletën e votimit për rektor, për drejtues të njësisë kryesore dhe për drejtues të njësisë bazë, shënon në krah të emrit të kandidatit shenjën "X" ose "+", apo ndonjë shenjë tjetër që tregon qartë zgjedhjen e bërë prej tij, e miratuar paraprakisht me vendim nga KIZ-i. Shenja duhet të vendoset vetëm në krah të një emri. Në rastin kur për autoritet drejtues konkuron vetëm një kandidat zgjedhësi voton një nga alternativat e shkruajtura krahas emrit të kandidatit "Pro" ose "Kundër";
 - ii. Në fletën e votimit për anëtarë të Senatit akademik shënon, në krah të emrave të kandidatëve shenjën "X" ose "+", apo ndonjë shenjë tjetër që tregon qartë zgjedhjen e bërë prej tij, e miratuar paraprakisht me vendim nga KIZ-i. Zgjedhësi duhet të shënojë jo më shumë emra sesa është numri i mandateve në Senatin Akademik që i përkasin njësisë kryesore përkatëse;
 - iii. pasi bën shënimin në fletën e votimit, i palos fletët në mënyrë që shenja të mos jetë e dukshme, del nga dhoma e fshehtë, i hedh fletët në kutitë përkatëse të votimit dhe largohet nga qendra e votimit;



- i. Nëse shënimi në fletën e votimit apo në të paktën një nga fletët e votimit bëhet jashtë dhomës së fshehtë, zgjedhësi nuk lejohet të futë fletën/fletët e votimit në kuti. Kryetari i qendrës e merr këtë fletë votimi, shënon në pjesën e pasme fjalët “E dëmtuar” dhe e fut atë në zarfin “Fletë votimi të dëmtuara”. Në këtë rast, zgjedhësit i jepet një fletë votimi tjetër e të njëjtit lloj dhe rasti mbahet shënim në Librin e Protokollit të Mbledhjeve të KQV-së. Nëse zgjedhësi shënon përsëri në fletën e votimit jashtë dhomës së fshehtë, edhe fleta e dytë e votimit futet në zarfin “Fletë votimi të dëmtuara” dhe zgjedhësit nuk i jepet më fletë votimi. Nëse zgjedhësi bën shënim ose e dëmton fletën e votimit pa dashje dhe kërkon një fletë votimi të dytë, fleta e votimit konsiderohet e dëmtuar dhe futet në zarfin “Fletë votimi të dëmtuara” dhe zgjedhësit i jepet një fletë votimi e dytë. Rasti mbahet shënim në Librin e Protokollit të Mbledhjeve të KQV-së. Nëse zgjedhësi shënon ose dëmton përsëri pa dashje fletën e dytë të votimit, edhe fleta e dytë e votimit futet në zarfin “Fletë votimi të dëmtuara” dhe zgjedhësit nuk i jepet më fletë votimi. Në asnjë rast fletët e votimit të dëmtuara nuk hidhen në kutitë e votimit.
- j. Qendra e votimit organizohet në një mënyrë të tillë që të lehtësojë procesin e votimit dhe të garantojë plotësisht fshehtësinë e votës. Në qendrën e votimit është e ndaluar përdorimi i mjeteve të komunikimit apo regjistrimit nga ana e votuesit. Në qendrën e votimit mund të qëndrojnë vetëm:
- i. anëtarët dhe sekretari i KZF-së/KQV-së;
 - ii. zgjedhësit që janë duke kryer procedurat e votimit deri në përfundim të tyre;
 - iii. vëzhguesit e akredituar.

Neni 33

Mbyllja e votimit

1. Qendrat e votimit mbyllen në orën e caktuar. Nëse edhe pas kalimit të këtij orari ka zgjedhës që presin në radhë, komisioni mbledh dokumentet e identifikimit të të gjithë zgjedhësve të pranishëm dhe i thërret ata me radhë për të kryer votimin. Asnjë zgjedhës tjetër nuk do të lejohet të votojë nëse nuk ka qenë në radhë në kohën e mbledhjes së dokumentit të identifikimit.
2. Pasi voton edhe zgjedhësi i fundit i pranishëm, komisioni merr vendim për mbylljen e votimit, duke plotësuar formularin përkatës, ku shënohet edhe ora e mbylljes së votimit. Pas kësaj, në qendrën e votimit mund të qëndrojnë vetëm anëtarët dhe sekretari i KZF-së/KQV-së, si dhe kandidatët dhe vëzhguesit e akredituar.

Neni 34

Veprimet pas mbylljes së qendrës së votimit

1. Pas marrjes së vendimit për mbylljen e votimit, kryetari së bashku me anëtarët e KZF-së/KQV-së kryejnë, sipas radhës, veprimet e mëposhtme:
2. Kryetari, nën vëzhgimin e të gjithë anëtarëve;



- a. shënon numrin e zgjedhësve që kanë votuar nga personeli i stafit akademik dhe student, duke numëruar nënshkrimet e bëra në listën përkatëse të zgjedhësve, si dhe atyre që janë nëregjistrin e veçantë, që kanë votuar sipas kushteve të parashikuara në këtë rregullore;
 - b. ia deklaron shifrat me zë të lartë anëtarëve të tjerë të Komisionit dhe vëzhguesve të pranishëm;
 - c. i fton ata të verifikojnë shifrat e thëna prej tij;
 - d. urdhëron sekretarin e komisionit të shënojë në procesverbalin për “Mbylljen e votimit” numrin e personave që kanë votuar në qendrën e votimit. Në rast kundërshtimesh për përcaktimin e shifrës, pretendimet shënohen në procesverbal.
3. Kryetari, nën vëzhgimin e të gjithë anëtarëve, pasqyron në procesverbalin për “Mbylljen e votimit” numrin e plotë të fletëve të votimit të qendrës së votimit, për secilin prej kategorive, duke u bazuar te të dhënat që kanë shoqëruar marrjen në dorëzim të fletëve të votimit nga KIZ-i, numrin e fletëve të papërdorura dhe numrin e fletëve të dëmtuara për secilën kategori.
 4. Kryetari, nën vëzhgimin e të gjithë anëtarëve të komisionit, fillon numërimin e fletëve të votimit të papërdorura për secilën prej kategorive dhe në përfundim të numërimit ia bën të ditur shifrat anëtarëve të komisionit. Nëse kërkohet nga një anëtar i komisionit ose ndonjë nga vëzhguesit, kryetari është i detyruar të rifillojë edhe një herë numërimin e fletëve të votimit të papërdorura. Në përfundim të numërimit, fletët e votimit të papërdorura mbyllën në zarfin ku është shënuar “Fletëvotimi të papërdorura” për secilën kategori. Numri i fletëve të votimit të papërdorura pasqyrohet në procesverbalin për “Mbylljen e votimit”.
 5. Kryetari, nën vëzhgimin e të gjithë anëtarëve të komisionit, numëron fletët e votimit të dëmtuara që gjenden në zarfin “Fletëvotimi të dëmtuara” për secilën kategori. Numri i fletëve të votimit të dëmtuara pasqyrohet në procesverbalin për “Mbylljen e votimit”.
 6. Në përfundim të veprimeve të parashikuara në pikat 1 deri në 4 të këtij neni, futen:
 - a. në kutinë e materialeve zgjedhore për zgjedhjen e rektorit:
 - i. zarfi “Fletë votimi të papërdorura për zgjedhjen e rektorit”;
 - ii. zarfi “Fletë votimi të dëmtuara për zgjedhjen e rektorit”;
 - iii. procesverbali për numrin e fletëve të votimit gjithsej, numrin e fletëve të papërdorura dhe numrin e fletëve të dëmtuara.
 - b. Për secilën kategori veprohet në të njëjtën mënyrë.
 7. Mbyllet kutia e votimit. Elementet e sigurisë për mbylljen e këtyre kutive shënohen në procesverbal.
 8. Kutia e votimit dhe kutia e materialeve zgjedhore përkatëse dërgohet në KIZ. Kutitë shoqërohen nga dy anëtarë të KZF-së dhe mund të shoqërohen nga vëzhguesit e kandidatëve.
 9. Në rastin kur në njësinë kryesore votimi është kryer në më shumë se një qendër votimi, komisioni i qendrës së votimit pas administrimit të materialeve zgjedhore sipas rregullave të përcaktuara në këtë nen, i dorëzon ato së bashku me kutinë e votimit për rektor në KZF, e cila është përgjegjëse për transportin e tyre në KIZ.



Neni 35

Vlerësimi, numërimi i votave dhe nxjerrja e rezultatit për zgjedhjen e rektorit, autoritetit drejtues në njësitë kryesore, autoritetit drejtues në njësitë bazë, anëtarët e Senatit Akademik

1. Procedurat për vlerësimin, numërimin dhe nxjerrjen e rezultatit për zgjedhjen e rektorit, autoritetit drejtues në njësitë kryesore, autoritetit drejtues në njësitë bazë, për anëtarë në Senatin Akademik kryhen prej KZF-së, në një sallë të caktuar prej saj dhe që ndodhet në mjediset e njësisë kryesore.
2. Në rastin kur procesi i votimit është kryer në më shumë se një qendër votimi në njësinë kryesore, Komisioni i qendrës së votimit, pasi ka përfunduar administrimin e materialeve zgjedhore sipas kërkesave të kësaj rregulloreje, i dorëzon ato në sallën e numërimit të votave, KZF-së. Dorëzimi i materialeve zgjedhore dhe i kutive të votimit bëhet me procesverbal.
3. Vlerësimi, numërimi i votave dhe nxjerrja e rezultateve zhvillohet sipas radhës së mëposhtme:
 - a. Rektor;
 - b. Drejtues i njësisë kryesore;
 - c. Drejtuesi i njësisë bazë;
 - d. Anëtarë të Senatit Akademik (personel akademik dhe studentë).
4. Kryetari hap kutinë e votave për rektor, nxjerr nga kutia fletët e votimit, i shpalos dhe i vendos mbi tryezë me pjesën e pasme të fletës nga ana e sipërme. Pas kësaj:
 - a. vlerëson të gjitha votat e gjetura në kuti, duke i treguar të gjithë anëtarëve të komisionit dhe vëzhguesve. Votat e pavlefshme ndahen në një grup të veçantë.
 - b. numëron votat e vlefshme dhe votat e pavlefshme. Numri i tyre, së bashku me numrin e përgjithshëm të votave të gjetuara në kuti shënohen në procesverbal.
 - c. verifikon numrin e përgjithshëm të votave të gjetur në kuti me numrin e votave që duhet të ishin në kuti në bazë të të dhënave të procesverbalit të KZF-së /KQV-së për numrin e përgjithshëm të fletëve të votimit, fletët e votimit të papërdorura dhe fletët e votimit të dëmtuara. Rezultati shënohet në procesverbal.
 - d. ndan në grupe të veçanta votat e hedhura nga personeli akademik dhe nga studentët dhe i numëron votat e secilit grup. Numri i tyre shënohet në procesverbal.
 - e. ndan votat e personelit akademik në grupe sipas emrit të kandidatit dhe i numëron. Votat e gjetura shënohen në procesverbal.
 - f. ndan votat e studentëve në grupe sipas emrit të kandidatit dhe i numëron. Votat e gjetura shënohen në procesverbal.
 - g. harton tabelën përfundimtare për votimin në njësinë kryesore përkatëse dhe e miraton me vendim.
5. Vota të pavlefshme janë fletët e votimit kur:
 - a. fleta e votimit nuk ka të njëjtën madhësi, ngjyrë ose formë me fletën e votimit të miratuar nga KIZ;
 - b. fletës së votimit i mungojnë vulat e parashikuara në këtë rregullore;
 - c. në fletën e votimit janë bërë shënime apo shenja që bëjnë të pamundur vlerësimin e votës;



- d. në fletën e votimit janë bërë shënime në favor ose në disfavor të subjekteve të caktuara zgjedhore;
 - e. është votuar për më shumë se një nga subjektet zgjedhore në fletën e votimit;
 - f. nuk është votuar për asnjë nga subjektet zgjedhore në fletën e votimit;
 - g. nuk është e qartë se për kë është votuar ose zgjedhësi ka votuar për një person apo subjekt që nuk është në fletën e votimit.
6. Në rast se në njësinë kryesore është votuar në më shumë se një qender votimi, KZF vlerëson dhe numëron votat për secilën qendër votimi sipas procedurës së përshkruar me sipër.
 7. Pas përfundimit të vlerësimit dhe numërimit të votave për rektor, KZF-ja harton tabelën e rezulttit të votave për rektor. Kopje e tabelës së rezulttit të votave për rektor u jepet, sipas kërkesës, vëzhguesve, kandidatëve.
 8. Në rastin kur nuk ka asnjë fitues, KIZ-i, në përputhje me përcaktimet e kësaj rregulloreje, merr vendim për organizimin dhe zhvillimin e raundit të dytë të zgjedhjeve.
 9. KZF-ja vazhdon procesin e vlerësimit dhe numërimit të votave për drejtues të njësisë kryesore, drejtues të njësisë bazë, për anëtarët e Senatit Akademik duke ndjekur për aq sa është e nevojshme procedurën e përshkruar në këtë nen.
 10. Pas përfundimit të vlerësimit dhe numërimit të votave, KZF-ja harton tabelën përfundimtare të rezultateve të votimit dhe shpall me vendim të veçantë, rezultatet për secilën kategori. Tabela përfundimtare dhe vendimi i KZF-së nënshkruhen nga të gjithë anëtarët duke deklaruar votën "pro" apo "kundër" dhe vulosen nga sekretari. Kopje të tabelës përfundimtare të rezulttit të zgjedhjeve u jepet sipas kërkesës vëzhguesve të kandidatëve.
 11. Mënyra e përlogaritjes së votave për autoritetet drejtuese për të cilët votojnë dhe studentët, do të jetë:
 - a. Shpallja e kandidatit fitues duke u bazuar në rezultatin si përqindje.

$$R\% = A/N1 \times 90\% + B/N2 \times 10\%$$

R% - është rezultati i shprehur në përqindje i një kandidati për një pozicion të caktuar;
 A — është numri i votave pro kandidatit nga personeli akademik;
 N1 — është numri i përgjithshëm i votave të vlefshme nga personeli akademik;
 B — është numri i votave pro kandidatit nga studentët;
 N2 - është numri i përgjithshëm i votave të vlefshme nga studentët.
 - b. Shpallja e kandidatit fitues duke u bazuar në rezultatin si votë e plotë.

N → Numri i votave të vlefshme nga personeli akademik.
 X → Numri total i votave (personel akademik + student)
 N = 90%
 X = 100%
 X = (N x 100)/90
 Y → Vota e studentëve
 Y = X - N
 Një votë pedagogu (Z) = S/Y
 S → Votat totale të vlefshme, të numëruara nga studentët.
- Kandidati A: Votat e konvertuara të studentëve në votë të plotë (A1):
 Votat nga studentët për këtë kandidat/ Z
 Kandidati B: Votat e konvertuara nga studentët në votë të plotë (B1):



Votat nga studentët për këtë kandidat/ Z

Votat totale të plota, të fituara nga Kandidati A = $N_A + A1$

Votat totale të plota, të fituara nga Kandidati B = $N_B + B1$

N_A dhe N_B janë respektivisht votat e fituara nga secili kandidat i personelit akademik.

$N_A + N_B = N$

12. Vendimet e KZF-së për tabelat e rezultateve të zgjedhjeve ankimohen në KIZ.
13. Gjatë procesit të vlerësimit dhe numërimit të votave në vendin e numërimit të votave kanë të drejtë të qëndrojnë anëtarë dhe sekretari i KZF-së, kandidatët dhe vëzhguesit e tyre të akredituar.
14. Çdo kontestim i kandidatëve apo vëzhguesve të tyre, shënohet detyrimisht në librin e procesverbaleve nga sekretari i KZF-së.

Neni 36 Ankimet

1. Çdo kandidat pjesëmarrës në zgjedhjet për autoritete drejtues ose anëtar në Senatin Akademik ka të drejtë të ankohet në KIZ kundër vendimeve të KZF-së që çenojnë interesat e tij, brenda 2 ditëve kalendarike, nga data e shpalljes së vendimit.
2. Kundër vendimeve të KZF-së për shpalljen e tabelave të rezultatit, tabelave përmbledhëse të rezultatit dhe rezultatit të zgjedhjeve, ankimi bëhet në KIZ jo më vonë se 2 ditë kalendarike, nga data e shpalljes së tyre.
3. Për efekt të llogaritjes së afatit, perioda dy ditore fillon në orën 16:00 të ditës së shpalljes së aktit për të cilin bëhet ankimi dhe përfundon në orën 16:00, pas dy ditëve kalendarike.
4. KIZ-i administron dhe merr vendim për ankimet për çështje që nuk lidhen me rezultatin e zgjedhjeve jo më vonë se 24 orë pas paraqitjes së tyre.
5. KIZ-i administron dhe merr vendime për ankimet për rezultatin e zgjedhjeve jo më vonë se 48 orë pas paraqitjes së tyre.
6. Çdo vendim i KIZ-it është i ankimueshëm në Komisionin e Apelimit, brenda 5 ditëve nga dita e shpalljes së vendimit. Komisioni i Apelimit shprehet me vendim të arsyetuar brenda 10 ditëve kalendarike.

Neni 37 Ankimi në Komisionin e Apelimit

1. Komisioni i Apelimit përbëhet nga 3 (tre) anëtarë, të cilët vetëkandidohen dhe zgjidhen nga Senati Akademik me këtë përbërje: nga 1 (një) përfaqëses për çdo njësi kryesore.
2. Për formimin e tij, Senati Akademik i Universitetit "Eqrem Çabej", jo më vonë se tre ditë pas fillimit të procesit zgjedhor, publikon kërkesën për aplikim për anëtar në Komisionin e Apelimit të institucionit. Të drejtën për të aplikuar e kanë individët që:
 - a. Kanë përvojë pune, jo më pak se 3 (tre) vjet, me kohë të plotë;
 - b. Nuk kane qenë asnjëherë të dënuar për vepra penale me vendim të formës së prerë.
3. Komisioni i zgjedhur i Apelimit, në mbledhjen e parë zgjedh Kryetarin dhe Sekretarin e tij, me shumicën e thjeshtë të votave.



4. Komisioni i Apelimit i ushtron funksionet e tij për një mandat 4- vjeçar.
5. Rregullat për mënyrën e funksionimit të Komisionit të Apelimit hartohen dhe vendosen prej këtij komisioni, menjëherë pas konstituimit të tij dhe zgjedhjes të kryetarit dhe sekretarit. Në rastin e largimit të një anëtari nga ky komision, zëvendësimi i tij kryhet sipas pikës 1 të këtij neni.
6. Komisioni i Apelimit shqyrton dhe merr vendim të arsyetuar, në të cilin përfshihen dhe mendimet "kundër", për çdo ankim për vendime të marra prej KIZ-it.
7. Kundër vendimeve të Komisionit të Apelimit, bëhet ankim në rrugë gjyqësore nga pala që ka interes të ligjshëm.
8. Vendimi i Komisionit të Apelimit është i formës së prerë, përfundimtar, i detyrueshëm për t'u zbatuar.

Neni 38 **Pavlefshmëria e zgjedhjeve**

1. KIZ-i, kryesisht ose me kërkesë të kandidatëve, i shpall zgjedhjet të pavlefshme në një ose me shumë njësi kryesore, në rast se:
 - a. kanë ndodhur shkelje të ligjit;
 - b. mund të ketë cënuar procesin zgjedhor në një masë të tillë që mund të ketë ndikuar në fitimin e mandateve;
 - c. kanë ndodhur fatkeqësi natyrore në përmasa të tilla që kanë penguar pjesëmarrjen e zgjedhësve në votim;
 - d. votimi nuk ka filluar apo është pezulluar për më shumë se pesë orë.
2. Kërkesën për pavlefshmëri të zgjedhjeve kërkuar duhet ta shoqërojë me shpjegimin për shkaqet ligjore ku mbështetet kërkesa, përshkrimin e shkeljeve të pretenduara dhe arsyetimin e detajuar të tyre për pasojat që kanë prodhuar.
3. Shqyrtimi i kërkesës për pavlefshmëri të zgjedhjeve dhe vendimmarrja për kërkesën bëhet nga KIZ-i, jo më vonë se dy ditë kalendrike nga depozitimi i saj.
4. Vendimi i KIZ-it është i ankimueshëm në Komisionin e Apelimit, sipas parashikimeve të kësaj rregulloreje.
5. Pas vendimit për pavlefshmëri të zgjedhjeve, shpallen zgjedhje të reja sipas përcaktimeve të ligjit nr. 80/2015 dhe kësaj rregulloreje.

Neni 39 **Dispozita të fundit**

1. Me përfundimin e procesit të shqyrtimit të ankimeve në Komisionin e Apelimit, KIZ-i shpall rezultatet përfundimtare të zgjedhjeve për autoritete drejtuese dhe Senatit Akademik të Universitetit "Eqrem Çabej", si dhe kategoritë e tjera sipas përcaktimeve të kësaj rregulloreje.
2. KIZ-i i përcjell Ministrin të Arsimit dhe Sporteve vendimin për shpalljen e fituesit rektor të Universitetit "Eqrem Çabej". Ministri, pas verifikimit të ligjshmërisë së procesit zgjedhor, i përcjell Presidentit të Republikës vendimin e KIZ-it për shpalljen e fituesit rektor të



- Universitetit "Eqrem Çabej".
3. Mbledhja e parë e Senatit Akademik të UGJ-së mbahet brenda 15 (pesëmbëdhjetë) ditëve nga dekretimi i rektorit prej Presidentit të Republikës.
 4. Rektori i zgjedhur dhe i dekretuar emëron drejtuesit e zgjedhur të njësive kryesore të institucionit, brenda 7 ditëve të dekretimit të tij.
 5. Dekani i zgjedhur i njësive kryesore emëron drejtuesit e zgjedhur të njësive bazë, brenda 7 ditëve nga data e emërimit të tij.
 6. I gjithë dokumentacioni zgjedhor ruhet në arshivën e institucionit, në bazë të rregullave të përcaktuara në kuadrin ligjor për administrimin, ruajtjen dhe arshivimin e dokumentacionit.
 7. Monitorimi i procesit zgjedhor në të gjitha komisionet zgjedhore apo qendrat e votimit realizohet nga vëzhguesit e akredituar të kandidatëve.
 8. Kjo rregullore është e detyrueshme për t'u zbatuar si e tillë për organizimin e të gjitha proceseve zgjedhore për autoritete dhe organe drejtuese në UGJ, deri në zgjedhjet e radhës.
 9. Kjo rregullore hyn në fuqi menjëherë pas miratimit të saj nga Senati Akademik i UGJ-së.

Miratuar me vendim të Senatit Akademik Nr. 21 datë, 21.03.2024

KRYETARI I SENATIT AKADEMIK

Prof.dr. Bektash Mema



FORMULAR VETËDEKLARIMI

NË ZBATIM TË RREGULLORES

“PËR ORGANIZIMIN E ZGJEDHJEVE PËR AUTORITETET DREJTUESE DHE SENATIN AKADEMIK NË UNIVERSITETIN “EQREM ÇABEJ”

Unë i/e nënshkruari/a _____ atësia _____ lindur në _____ dhe
banues në _____ i identifikuar me letërnjoftimin ID me nr.
personal _____ kandidat për postin e _____
deklaroj nën përgjegjësinë time për:

- ☐ Mungesën e plagjiaturës në punimet për fitimin e gradës shkencore/titullit akademik.
- ☐ Nuk jam në ndjekje penale dhe ndaj meje nuk është dhënë masë e sigurimit personal.
- ☐ Nuk jam i/e dënuar me vendim gjyqësor të formës së prerë për vepra penale.
- ☐ Nuk jam i/e dënuar më parë për vepra penale.
- ☐ Nuk kam shkak për të qënë objekt i ligjit nr. 45/2015 “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”.
- ☐ Nuk kam qënë drejtues akademik, i zgjedhur për dy ose më shumë mandate, në të njëjtin funksion, të njëpasnjëshme apo të ndara, në Universitetin “Eqrem Çabej”. Në numrin e mandateve përlllogariten mandatet e fituara sipas ligjit nr. 9741, datë 21.05.2007 “Për arsimin e lartë në Republikën e Shqipërisë”, të ndryshuar, dhe të gjitha mandatet e tjera në vijim të fituara me zgjedhje pavarësisht kohëzgjatjes.

Jam në dijeni të kërkesave dhe ndalimeve të përcaktuara në rregulloren “Për organizimin e zgjedhjeve për autoritetet drejtuese dhe senatin akademik në Universitetin “Eqrem Çabej” neni 18, 19, 20, 21, 23 dhe si të tilla deklaroj se mbaj përgjegjësi ligjore për vërtetësinë e deklarimeve në dokumentacionin e dorëzuar në konkurrim duke theksuar se jam i/e gatshëm të provoj atë në rast se më kërkohet nga ana e strukturave përgjegjëse. Jam në dijeni se pasaktësia e informacionit (qoftë edhe pa paramendim) më heq të drejtën për të marr në konsideratë aplikimin e mësipërm. Në përputhje me to deklaroj se plotësoj çdo pikë të përcaktuar më sipër.

Data e dorëzimit të deklaratës _____

Emri, Mbiemri, Nënshkrimi

